



## **Cunvegrientscha denter il Cussegl da scola ed il cau d'immobillas pertuccond las duas casas da scola Cuschnaus e Vella.**

1. Engaschament, definiziun dall'indemnisaziun e relaschada dil pedel succedan entras la suprastanza communal sin ina proposta dalla grupp d'evaluaziun, la quala secumpona dil representant dil cussegl da scola, dil cau d'immobillas e dil menader da scola.
2. La direcziun dil personal ha il cussegl da scola. Quella vegn delegada operativamein al menader da scola.
3. Projects da sanaziun, d'engrondaziun e d'adattaziun vid ils objects vegnan instradai, tgamunai e controllai dil cau d'immobillas. Il menader operativ vegn involavaus ella planisaziun ed informaus regularme in duront las lavurs. Medemamein eis el d'integrar tier la controlla finala (Bauabnahme).
4. Reparaturas pli grondas (che survargan fr. 5000.-) vid igl object ni vid parts integralas da quel duein vegnir discussiunadas cul cau d'immobillas avon ch'exequir. Il medem vala per lavurs urgentas che caschunan denton probablamein pli tard cuosts supplementars ni che pretendan in'intervenziun vid igl object.
5. Tier tut las expensas tenor preventiv en stretg connex cun la scola e cun la lavur da pedel vala la reglementaziun finanziaria tenor decisiun dalla suprastanza communal dils 22 da fevrer 2016. Il cussegl da scola ha la medema funcziun sco ils ulteriurs caus dils departements.
6. La survigilanza dil preventiv succeda entras il menader operativ. Lez decida tgei departement che segna supplementarme in il quen, giudicand il connex pli evident tier igl object ni tier la lavur. En cass buca sempels da distinguer san era omisdus caus dils departements signar. In'excepciun fuorman ils projects. Leu ei la survigilanza addossada al cau d'immobillas ni tenor definiziun.
7. Tier la sesida da preventiv (settember/october) denter il representant dil cussegl da scola, il cau dil departement da scolaziun, il cau d'immobillas ed il menader da scola vegnan ils basegns da sanaziun e d'adattaziun vid igl object defini sco projects cun definir tgi ch'ei responsabels e tgi che survigilescha l'execuziun.
8. Il diever dils stabiliments entras uniuns ni tiarzas personas vegn reglaus el reglament corrispudent, relaschaus dalla suprastanza communal. Damondas da diever dils stabiliments ch'ei buca reglai el reglament da diever, tracta da principi il cussegl da scola sch'els tangeschan il menaschi da scola ni las stanzas ch'ei primarme in en diever dalla scola. Davart il diever dils objects per occurrenzas pli grondas decida la suprastanza communal sin proposta dil cau d'immobillas e dil menader da scola.

Vella, mars 2017

President communal, Duri Blumenthal

Cau d'immobillas, Primus Cavegn

Presidenta dil cussegl da scola, Elisabeth Lorez

  
  
